

Te mahi kapu tī

Ki te hiahia koe ki te mahi i tētahi kapū tī tino reka, me aha, me pēhea?

Tuatahi me whakakao mai ngā mea katoa kei te hiahiatia, arā, he tīpata, he kapu, he pune tī, he tīraurau he tī pēke rānei, he tīkera, he miraka pea me te huka.

Whakakiiia te tīkera ki te wai makariri, ā, whakaweratia kia koropupū. I te wai e whakaweratia ana, whakamahana i te tīpata ki te wai wera. Ka mahana ai, hoatu he tīraurau, he tī pēke rānei, ki roto. Ki a ahau nei, he pai atu ngā tīraurau ki te tī pēke, arā, he reka atu. E aii ki te rongo kia kotahi pune tīraurau mō ia tangata, kia kotahi anō atu mō te tīpata!

Tāhorotia he wai koropupū ki runga i ngā tīraurau. Kōroritia ki te pune. Kātahi ka waiho te tīpata ki te tū noa mō te toru mēneti, whā mēneti rānei, ka tatari kia rite te kaha o te tī ki tāu e hiahia ai. Ka takaia te tīpata ki te kākahu mahana e ētahi i tēnei wā.

I a koe e tatari ana, me whakarite mai ngā kapu. Ki te hiahia tētahi ki te miraka, tēnā, ringihia tuatahitia ki te kapu, kātahi ka whakakiiia ki te tī. Ki te kore tētahi e hiahia ki te miraka, ko te tī anake ka riringiha ki roto i te kapu. Tērā ētahi tangata e hiahia ana ki te rēmana. Ki te pēnei, tapatapahia he rēmana, ā, hoatu tētahi wāhanga ki roto ki te kapu, kātahi ka riringi atu i te tī ki runga i te rēmana.

Ki ētahi, he pai atu te mīere i te huka hei whakareka i te kapu tī. Ko au, kāore au i te pai ki te huka, mīere rānei i roto i taku kapu tī. Engari rā, ko te pihikete pea ki te taha hei kīnaki?